

方以類聚

吹嬭

因兒飲嬭之次。兒呼自睡。呼氣不通。乳不時洩。蓄積在內。遂成腫硬。產後吹嬭宜急治。

○戶限下土和雄雀糞。暖酒服方寸匕。

○韭地中蚯蚓糞。研細篩過。米酢調厚。傅乾則換涼。

水調亦可。

○赤小豆酒研。溫服以滓傅。

○葛蔓燒灰酒服二錢。

○鼠粘二錢麝香少許溫酒細吞下

○水調麪煮糊欲熟卽投無灰酒一盞攪勻熱飲令
人徐徐按之藥行卽瘳

○鼠糞七粒紅棗七枚去核包糞燒存性入麝香少
許溫酒調服

○梳垢以無根水丸梧子大每服三粒食後屋上倒
流水下隨左右暖臥取汗或以胡椒七粒同梳垢
和丸熱酒下得汗愈

○蛇皮一尺七寸燒末溫酒一盞服

○袖珍用猪牙皂角去皮蜜炙爲末酒服一錢

○白丁香半兩爲末以溫酒服二錢

○吹爛作痛貝母末吹鼻中

○穿山甲炙焦木通各一兩自然銅生用半兩爲末
每服二錢酒下

○蠶蛻燒灰一錢五分輕粉五分麝香少許酒調服
○蜘蛛一枚麩裹燒存性爲末酒服

吹好
遠志焙研酒服二錢以滓傳

○半夏一箇煨研酒服一方以末隨左右啗鼻

○吹乳寒熱用猪肪冷水浸搗熱卽易

○產後吹乳腫硬疼痛輕則爲妬重則爲癰用瓜蒌

根末一兩乳香一錢爲末溫酒每服二錢

○陳皮一兩甘草一錢水煎服

○吹癰乳癰五月五日糗箬燒灰酒服二錢

○萱草根搗酒服以滓封之

四十四卷

○瓜蒌散乳香一錢研瓜蒌實一箇研勻溫酒煎服
○天南星散南星爲末溫湯調以鵝翎蘸塗患處
○消毒散治吹乳乳癰并便毒或增寒壯熱或頭痛
者宜先進人蔞敗毒散一二服繼進此無前證卽
服此二三劑或腫不消宜用托裏藥青皮去白金
銀花天花粉柴胡僵蠶炒貝母當歸酒拌白芷各
二錢水二鍾煎一鍾食遠服便毒加煨大黃一錢
空心服

唐王羲之草書

張

妬乳

新產後兒未能飲之。及乳不洩。或乳脹。捏其汁不盡。蓄結與血氣相搏。卽壯熱大渴。牢強掣痛。手不敢近。初覺便以手捋捏去汁。更令人助吮引之。不爾。或作瘡至成癰。

。妬乳用酢和梁上塵塗

。生蔓菁根搗和鹽酢漿水煮汁洗一方和鷄子白封之

。丁香末水服方寸匕

。乳石發熱烏豆二升水九升銅器煮五升汁熬稠
一升飲之

。乳石發動煩熱煩渴滑石粉半兩水一盞絞白汁
頓服

。白鴨通一合湯一盞清之漬之澄清令飲

。石南爲末新汲水服一錢

。寒水石一塊含之以瘥爲度

○青粱米煮汁飲

○水浸鷄子取清生服

○妬乳乳癰汁不出內結成腫用蜂房燒灰研每二錢水一小盞煎六分去渣溫服

○蒲黃草根搗封之并煎汁飲及食

○葵莖及子爲末酒服方寸匕日二

○鷄矢白炒研酒服方寸匕

○乳石熱毒壅悶頭痛口乾便澁赤少者用蜂房煮

汁二合服乳石末從小便下

○天南星生半夏皂角針燒帶性各三分白芷草烏
直殭蠶焙各一分爲細末多用葱白研取汁入蜜
調敷瘡口破作膏藥貼

○連翹湯治產後妬乳并癰連翹升麻芑消玄葳苒
藥白蘇防風射干大黃杏仁甘草各一錢水二鍾
煎一鍾食後服

○雲岐連翹湯治產後妬乳并癰連翹升麻芑消各

一兩玄葎芍藥白薇防已射干各八錢大黃二錢
甘草六錢杏仁四十枚去皮尖水六升煮二升下
大黃次芑消分三服

○清肝解鬱湯治肝經血虛風熱或肝經鬱火傷血
乳內結核或爲腫潰不愈凡肝膽經血氣不和之
症皆宜人葎去蘆茯苓貝母去心山梔炒熟地黃
芍藥炒各一錢白朮當歸各一錢五分柴胡川芎
陳皮各八分甘草五分牡丹皮水煎服

五
五

乳癰

乳房陽明所經乳頭厥陰所屬乳子之母不知調養。怒忿所逆鬱悶所遏厚味所釀以致厥陰之氣不行。故竅不通而汁不得出明陽之血沸騰故熱甚而化膿。亦有所乳之子膈有滯痰口氣煖熱含乳而睡熱氣所吹遂生結核於初起時便須忍痛揉令活軟。晚令汁透自可消散。失此不治必成癰癰。

乳癰初起白芷貝母各二錢爲末溫酒服。

雄鼠糞七枚研末溫酒服取汗

○葱汁一升頓服

○炙甘草二錢新水煎服仍令人啞之

○牛糞和酒服

○蔓荊子炒爲末酒服方寸匕查傳之

○內消花卽玉簪花取根搗酒服以查傳之

○大熟瓜萐一枚熟搗以白酒一斗煮取四升去滓
酒服一升日三

○發腫痛結硬欲破以北來真樺皮燒存性研無灰酒溫服方寸七

○毋豬蹄一隻通草六分綿裹煮羹食

○鹿_角磨濃汁塗之并令人嘯去黃水

○乳癰用水楊柳根生搗傳之初貼其熱如火再貼遂平

○脂麻炒焦搗爛以燈盞內油脚調傳

○益母草爲末水調塗生搗亦得

○丹蓑白芷芍藥各二兩以酢淹一夜猪脂半斤微火煎成膏去滓傳之

○阜角刺燒存性一兩蚌粉一錢和研每服一錢溫酒下

○乳癰腫痛貝母末酒服二錢仍令人吮之

○扁竹根如殭蠶者同萱草根爲末蜜調傳

○紫蘇煎湯頻服并搗封

○馬鞭草一握酒一碗生薑一塊搗汁服查傳之